

縣志

卷

貳拾壹
貳拾貳

藝文
雜記

地260.73
38
:12
部二

下

賦

五古

七古

五律

七律

七絕

漢川縣志卷二十一

藝文志下 賦

漢江賦

興獻帝

序曰天地間為瀆者四而漢江居其一發源於興元之
 嶓冪經漢中沸鄖襄距豐郢合潛沔至大別出江而朝
 宗於海誠荆南之險壯而人臣之輸忠者取鑒焉夫漢
 嘗淳涵於唐平於伯禹職方於明古今冒厥利吾幸宅
 於此實襟帶之固將資忠於屏藩以副九重眷託之心
 而禹之明德蓋亦不可忘者耶因作漢江賦若郭景純
 木元虛成綏之江漢河賦殆未易追蹤者也見者其無

漢川縣志卷二十一

藝文下賦

謂馬賦曰

沕妙有之肇播兮闢天地於崇卑貫山嶽之血脈兮距
 渤澥而派茲殷廣漢之宛演兮混靈源於嶓冪穴礮谷
 之縈紆兮滄洪流而洶湧削萬里而直下兮曷沙礪之
 能壅遡天靈之奕葉兮浩瀕洞其惕竦森地軸之浸涵
 兮咨民居之匪康糾龍蛇於萬壑兮毒吞噬而巢窟其
 彷徨帝命禹作司空兮慨鯨績以遏懷襄殫神思之集
 勞兮信決導之有方忘呱子而懲入門兮卒告功於平
 成屏塵氛與災燁兮治文命於八紘貽兆世之寵利兮
 薦明德之芳馨悵至聖之浸遠兮適支裔之休明何辛



受之汨常兮染罔淫於斯邦豔游冶之靡麗兮滌新化
於文王紛淑慝之積習兮夫豈漢水之所漸濡瀚元氣
之精華兮協氤氳而敷腴挺人物之瓌奇兮鬱隱顯而
異需孕吉甫之文武兮順履霜之孝子淬德公之峻操
兮藻冰鑑之雅士表向寵之淑均兮烈習珍之英偉老
東之之相才兮壯柳渾之書生憐子美之忠愛兮著浩
然之幽貞喟張問之拒新法兮矯孟珙之衄金師歆叔
敖之政教兮諤季良之諫隨毅連萬夫之罵賊兮瘁庭
芝之勤王艾漢陰叟之戒機心兮炳文考之圖靈光嗟
人傑之降生兮固長川之所經緯彼鱗羽之蕃息兮亦

餘潤之分美背負龜鼈之鼃屬兮目比鰈鮓而不相離
鬣鼓鯢鯨之騰鯨兮翼飛鯈羸於池銳蛇尾之鮭鱗兮
森鶴羽之靈翹曳六足之鯨鮓兮戴八極之神鼈文屋
瓦之蚌兮聲嬰兒之締轉車輪之鱉兮覆金鈿之魴勃
魴鯢鯢之瑣碎兮咸亭育而無遺嗟生生之不窮兮
復飛動之繁滋匹嚶渚之睢鳩兮羣在淙之鳧鷖咬來
賓之鴻雁兮號淒清之鷓鴣介戢翼之鴛鴦兮下振振
之鷺委胎化之仙禽兮炫能鳴之鷺澤虞長鳴而不去
兮象主守之官雝鷓之行且搖兮况兄弟之急難鷺一
足而與三日兮又有兩首之鸚鵡似魚而鷄似鷄兮鼈

入海而爲蛤水狗驛馬厥類孔多兮石蚌神蜃紛其會
和或湊集於淺瀨兮或浮泳於滄波或啄攫於稻梁兮
或容與於茆莎漾江離之旖旎兮馥汀蘭之葳蕤羗盈
藹車之披披兮曾不與獲歲而因依揭葭莖之長洲兮
濯篠簞以千陂蔭荷芰之萬頃兮錯包茅而貢之匪直
物產之富盛兮詎識乎至德之靈長出漢中之百折兮
經鄖國之惟陽導均豐而抱襄郢兮領潛沔而縈帶乎
滄浪沃蒸淳溜於夢澤兮瀉大別而東馳於扶桑濺灑
灑以澗澗兮盪日星於無極之墟瀏瀏測測而細罔滲漏
兮迴不失尾閭蕩冽冽以自潔兮八百谷之潢潦而不

辭洵通潮涌以奔放兮遵咸池而東之形委蛇以跨南
北兮宛若白虹之赫曦時澎湃而撞崖壁兮突如鐵騎
之攘搶終妥帖而靜虛兮雖包荒而弗容乎魍魎唯虬
龍之蟠驪兮韜珍產之陸離秘靈祇之幽跡兮吐雲雨
而渺瀰升一元於太虛兮襲往來之不息亮天地而利
民物兮伊誰之績躬八年之胼胝兮曰崇伯子之力欣
戴永兮曷其敢斃肆皇明剖符兮奄茫茫之禹蹟沛汪
惠旁洽兮暨祝融之宅肅藩岳修貢兮敢隳厥職廼歌
曰紀南條兮漢之浮禹所治兮安若流民世世兮奠室
疇爰宅茲兮亦何求王家其乂兮皇德是酬

遊采芝山賦

徐志

若夫地控襄沔邑著江州作沌陽之左蔽踞漢水之上
游繇亘於伏龍嶺畔憑臨於繡豸關頭挺孤標以特出
峙勝概而長畱原夫幽谷盤旋靈巒磅礴勢轟轟以凌
虛致亭亭而如削綰螺髻以光浮擁鴉髮而秀濯磴欹
出以還平石危懸而欲落儼鬼斧於誰裁恍神工其疇
鑿因思山如挾至峯自飛來朱巖窈窕丹嶂崔嵬壑將
冥而雨過洞初曉而雲迴晒襄王之夢寐杳神女之粧
臺豈因賦詞之幻境致啟地志之疑胎孰漫標新而製
賦獨能絕艷而矜才僕也撫斷梗之形踪值催花之風

信物序堪憐朋儕可趁騷人落落皂帽青袍韻士翩翩
玉顏綠鬢把臂追歡挈榼乘興爰喜輕裾之灑灑快遲
日之融融理騰空之芒屨探絕頂之花宮臨雲峯之縹
緲倚窗戶之玲瓏則見夫春花遍地春草連天迢迢曠
野歷歷平灘白馬競嘶於紫陌青牛羣觸於藍田花落
紅黏樵徑柳垂翠映漁船瀆水斜束衣帶梅城環抱煙
巒傑閣領雄風於澤國陽臺遺古跡於禪關是則盡彼
都之佳境極斯邑之大觀者矣然而漢川實爲勝地故
縣自是名城重關複閣比戶連甍三千綺館儘同南直
九十花街頗類東京又如峻嶒金雀之樓廣袤銅駝之

市雕龍輝掌印之門畫棟煥操江之第林園礙碎錦坊
頭冠蓋若烏衣巷裏夫何人事難憑繁華易歇幻變故
於千端倏飛光於一瞥渾瓦裂而土崩竟煙消而霧滅
惟是大河似箭小別如屏邨墟屋白酒店旗青十里五
里長亭短亭漁歌牧唱野塢寒汀悽征人於古道悵過
客於迷津魏處士之里居依稀廢址鬪大夫之坵壠埋
沒荒榛僕爲開襟縱覽幽緒紛拏芝何有於五色樹絕
少夫三花松頂幾曾巢鶴柳梢只慣棲鴉敞殿則消沈
丹堊古牆則剝落龍蛇逕寂寂而披宿草林蔭蔭而抹
殘霞顧長日兮已暮惟晚景兮又賒遂乃滌瑩瑩之翠

蓋澆灑灑之黃鶯試鑪中之香瓣叩臺上之仙娥靈修
兮未化世路兮如何彼美兮念切望古兮情多乘清風
以憑欄檻玩新月而對藤蘿羌余佩而莫屬用緩節以
安歌信斯遊之可賦共茲山於不磨

古體

漢川道中紀所見

查慎行

沙岸百尺高水落岸容槁
火雲蒸久旱旭日秧杲杲
田家候雞鳴趁伴起最早
放間惜牛力飽食眠秋草
不念婦子疲提攜及襁褓
桔槔遠灌田俯仰困機巧
單衣汗沾臂滿面塵不澡
鑼鼓懸柳陰兒童事擊考
金燥革亦乾愁聲振林杪
土言帶俗謠過客不盡曉
勞歌有酬答各自相媚好
豐荒關天運轉瞬誰得保
民愚亦可憐聊用慰翁媪
對之我抱慙飢驅空擾擾
人言行路心擇食苦不飽
此意行已堅母爲亂懷抱

漢川縣志

卷二十一

藝文下 五古

六

贈法海師遷甌山

蕭子雲

一望好印壑徧悅幽棲人
忽聞甌山旅萬里自相親
次寥絕霖霽重疊晴雲新
秋至蟬鳴柳風高路起塵
動予憶山思惆悵惜荷巾

陳志

劉邁過

許承欽

先生未羽化佯狂混徒隸
萬象容偃蹇跡屈道彌勵
腰間豁落圖舒卷如蟬翼
破裘不着領隱隱蛟龍衛
懸解在屎溺魂魄生根蒂
語嘿達機兆羣目見佻攘
袂談清賞外華中則穢雅
俗久相非况乃仙凡異流
輩自齷齪儻復識通蔽一
朝鍊柱骨脫屣人間世觀
化入無窮

蒼蒼已天際始悟糞屋中塵垢紛蘭蕙太息望喬雲潛
光猶照砌惟應仙棗亭千秋畱鶴毳

郊外卽事坐稻場觀農三首

顧如華

西場簸豆稽東場掀稻穎乘風得便利不顧塵廻頂
牛肥場間草人劬場間老一家翁嫗忙能得幾時飽
看看稻辭葉已是第三秋莫惜囊頭釀儉年喜薄收

望麥黃

昨日看麥青今日看麥黃青黃日在眼麥尙未登場不
如不種麥農父省企望又不如純青一意忍飢腸麥何
不卽熟麥何猶半黃憫茲磬磬人公私爾紛靡三祝麥

漢川縣志卷二十一

藝文下五古

七

枯鳥晝夜叫忙忙鷺城咏

戊寅三月登采芝山

伍澤概

半生事遊歷所至耽山水自來使署中無處着杖履值
茲清明節攬勝尋嶼嶼賓從籍伴行提攜及稚子極目
俯郊原一一皆可指士女雜沓來想見輿情喜一張一
弛間治效卽徵是飲酒旣樂甚不應無述紀提唱笑糝
糠同人作嚆矢

贈學師林莘田先生歸漢川

鄭德謙

地凍天氣寒東門塵欲起驪駒行不前歌誦遍下里我
本襪線才何以贈夫子人謂夫子和酬酢忘我爾和自

介中生稜稜世無比品行粹如玉論斷直如矢遺文廣
搜羅一一說舊史南宗稽寶林北流溯澗水能使孤忠
揚忍令古塚圯老屋繙秘書荒祠舉舊祀更置賓興莊
惠澤及多士教養兩兼之當年安定是謙也問字勤兩
度春風裡從此皐比撒零落舊桃李引領雲樹天低徊
不能已

輓蕭効用詩

周命

漢上諸生蕭堯家以貴雄於鄉爲豪猾所妒修溝洫
小嫌遂起大獄誣以殺人郡守徐公竟陷不察而置
之法應直指大讞之日其僕効用左手列冤狀右手

漢川縣志

卷二十一

藝文下 五古

八

刎其喉血射如注刀衝而人立竟脫主死爲楚乘一
大奇不佞感其忠憤而紀之以俟采風者

芙蓉出污泥披露揚其英彼夫有勁志抗節苦無倫托
體事大家主父良克盈前庭羅鐘鼓曲房列錦茵駭雞
夜光壁室中多怪珍季倫一小子卓鄭不足云奇貨信
可居豪顧而相嬉作計何不良談笑大獄起白金結當
路是夫堪染指郡守得聞之登堂大歡喜促吏具爰書
吾必置於理紀綱啟主父淚各連珠子人今爲刀俎主
恐無生理少小受主恩主德實和醇日月臨下土曾參
不殺人如何守禮義負此武斷聲覆巢無完卵玉碎石

亦焚誓誓及黃泉主死豈獨生願主勿驚怖會須及良
辰屈指三五日官師促吏獄老吏弄刀筆伍伯一何酷
錢神日夜輸不足滿鼠腹生非金石軀那能堪刑戮紀
綱聞此變狂走無時休籲神事龜策何以離我憂腸中
車輪轉一夕如九秋觀者盈道旁莫測其所由搏頰向
衆語娓娓多辛苦主命在須臾吾今求死所七尺等微
塵不難赴鼎俎語竟衆相勞子實多恩私靈輒効壺殮
豫子急士知慷慨以報主千古亦有之榮名在青史努
力及前期諾諾謝衆去行行還鄉里上堂別主母泣涕
零如雨受主恩罔極無可相報許代主以微軀無主而

漢川縣志

卷二十一

藝文下五古

九

有主主當作盤石奴當作飄蓬盤石永貞固飄蓬任西
東出門向親知各各作死別主還作生人我去鄰鬼伯
腰下解吳鉤流波芙蓉發言自衛周孔風胡亂奇絕千
歲頗有餘猶含白帝血枯皎出冰河寒光正栗烈短衣
纓胡纓雄心不可折其氣欲吞仇去矣不肯畱行塵漸
以滅送者各含愁此時方大讞中懷轉迫煎長跪啟主
父珍重勿多傷小人有長策會須脫危亡戒且趨憲府
勃鬱不可當手中挾尺鏃一一飛嚴霜側里四五通辛
辭泣枯腸顛末橫自陳曲曲具禍始所列諸豪猾不避
當路忌覆盆無以照願言甘首碎主父伏在前紀綱豈

主傍生死判頃刻形影各摧傷舉手投冤書引刀而自
頸血射濺繡衣意氣一何猛白日忽冥晦颯沓亂妖虹
拔劍摧北斗肅肅來悲風把臂同荆聶颺舉乎雲中滿
堂不敢視直指爲改容撫几大奇詫徘徊多淒楚陰房
霜月清夜深妖燐語馳檄夷諸豪鬱懷良以吐日月差
重光苦霧一朝舒可憐懷俠骨一世良所無至今滿人
口香名長藉藉千秋萬世後應作萇宏碧

鄒貞姑

王玉樹

昨咏田貞姑

仲柘菴先生之媳

見彼女中傑今咏鄒貞姑矯矯

凜冰雪貞姑

閨中秀足不踰閭闈惠性比蘭荃清心如

金鐵少小字高門禽幣紛羅列郎君盛文藻淑女備芳
潔諏吉已有期綵襦將待結無端噩夢來遊魂夜泣血
覺來卸鉛華涕淚濕羅襖皖江信果至夢寐真奇絕剪
紙招親魂一慟那得輟生則雖異室死願同歸穴我嘗
聞之禮女子遭飢艱斬衰以往弔情意亦愷切旣葬卽
除之未聞抗孤節貞姑有至性大義難屈折長跪拜父
母兒願竊有說女子貴節義從一古所揭兒郎有老親
奉侍不可缺兒郎櫬未歸兒當撫其姪許兒過郎門使
兒郎親說承祧苟有人庶可綿瓜瓞父母從其請貞姑
心已竭茹荼三十年孝養如一日清操昭彤管合名永

不滅嗟彼後世人交道空煖熱生則比膠漆死卽成漂
瞥往往夫婦間亦循此故轍不謂未嫁女奇行高往哲
作爲女貞詩後史採芳烈

寄贈李梅垞丈五十五韻

劉 珊

少小慕清流最恥談華膺父師課舉業肯輒議其腐讀
書有偏嗜葩經窮訓詁離騷又漢魏六朝亦兼取甘隱
錄自箴詩癖卽自詡偶遇熱中人掉頭不與語弱冠迫
就試搦管恆齟齬屢試卽屢顛坦率毫無忤昕夕耽吟
哦風花自含吐密友得二三同隸兔唇譜旣復交梅垞
清逸侔鮑庾論詩厭人聞相約輒扁戶孤棹時往還黃

漢川縣志

卷二十一

藝文下 五古

十一

葉疎林雨擬結漢南社心期與終古先君懼采薪一官
早解組授經庭誥嚴殷殷誠繩祖始猶勉聰聽鑿枘強
自努廿五獵青矜區區何足數風木倏驚頽貧竟乏鍾
釜大父縱薄宦難爲谿壑補奉母出榆關痛如刺肺腑
矧大父年衰萬里謀祿精兒孫坐享成此中何自處三
代視一身內疚茫無主翻然悔昨非童心垞莽鹵戎裝
急遄歸濫厠諸生魯僥倖登賢書傷心徒失怙走別吾
故人梅垞尤修寔散髮欷歔做冠曳踵拾穿履前年聞高
風灌園學老圃繼或讀熊經餘事逮鈞鑿薄業付波臣已
多歷年所滄海忽桑田謂是天福汝負畚獨躬耕買犢

貨釵珥奇阜遭螟螣膏腴變瘠土撤屋供晨炊木盡僅
存礎窮巷卧袁安雪深人不覩束書久高度并欲絕毫
楮身嗇情與槁性嬾興爲阻相對久欲暗枯坐不成敘
君祖世甲科曾擊縣衙鼓君兄亦上庠課徒廣脩脯君
胡自拘促形骸類苦窳我本淡蕩人初心結巢許繼爲
養親計甘與俗子伍毛義捧檄喜豈真希袞黼說法本
現身所期自振舉物果欲高飛天定假之羽伊古賢豪
輩往往困五穀得志賦遂初多在名旣樹林泉恣嘯傲
清言任揮塵使無內顧憂羊裘原足侶妻饑子號寒甯
容夢栩栩請看陶處士曾爲一命僂五斗亦旣盈乃與

督郵作

同海樹過楊葉陂尋靜峯柳村談江嶺舊游

李蟠

修修湖上路荒荒湖上村二仲訝我至倒屣趨衡門殺
雞煮稗子沽酒傾瓦罇出示抱山詩酸吟徹夜喧江南
與嶺右飄轉托蓬根翩翩好身手咳唾寒谷暄一自容
華替鬚眉季布髡嗟哉叔敖裔傲褐今幾存我老三君
少念茲獨消魂明旦買舟歸歸卧松雪園

林節母徐安人八十壽詩

林以盛

貧苦持節難富貴更不易高論推敬姜迴覺茲詣異憂

勤六十年祇完天所事安富與尊榮塊然那復計堅松
還本性寒竹晚逾翠勸母壽一杯中有冰雪味

表忠歌

周嘉謨

衡山岷岬俯三湘雲夢蒼蒼水渺茫天植精忠扶泰運
中丞家世水雲鄉少年登第姑孰令清如止水明如鏡
從簪筆入承明封事纍纍多諫諍光皇御極甫三旬擊壤
謳歌遍海濱一朝不豫漸彌留中使傳宣閣部臣公劾
崔賢先有奏天威莫測疑窮究豈意隨班入後宮同承
顧命真希覲周旋御榻覩龍顏十有三人涕泗潛旁門
倏引東宮入傳信封后詔宜頒諸臣啟奏冊儲訖上顧

東宮心若恍仍諭輔佐爲堯舜聞命相看喉哽窒旋呼
左右進紅鉛喜似仙家續命丹味爽倏傳遺詔下舉朝
錯愕痛心酸午門首聚奔趨急遙想冲嗣正孤立相攜
排闥入乾清號泣昊天情孔棘環侍宮門幾許時長君
方得出堂垂僉謀擁護入文華拜舞嵩呼列陛墀隨請
移蹕居慈慶長樂鐘遲氛未淨移宮拜手有公疏君獨
慷慨如拚命芳辰快觀六龍飛旭日中天萬象輝此際
彤庭歌喜起先期清肅在宮闈詎知當日移宮事實爲
逆璫心所忌太阿倒柄甫經年黨惡橫行太恣肆公馳
一疏九重天罄竹難書萬種讐臚列款開二十四惡璫

獻拜上龔公

顧景星

廿年不到西湖西舊遊豪俠雲雨飛意中卽友沈亞之
扁舟顧我來何遲華陽巾子白些衣龍駒十五手自攜
足學三世世所稀君家隱侯良不奇扶風弟子安昌師
出入邸第無所私王侯壁帛揮如遺抱膝自咏南郊詩
九重秘邃疇與齋恩匭不投聖主知褐衣還鄉歌採芝
道逢元伯旋輒欲苦寒扶走冰裂腓室無甌石烹伏雌
看肝膽懸須麋渭橋簫鼓使者歸攜君要同鹽與齋人
倫藻鑑淝陰持爲我早寄江梅枝我行玉山雨雪霏計
君正到長安時

弔叅藩葉蒼巖先生靖節詞

汪特昌

黃鶴山頭鼓角催歛歛白晝走魑魍頃刻風霾日月迷

夜火狐鳴駭叢祠自署陳王渠帥旗

夏逆亦
姓陳

士庶走匿

官司糜先生凜冽獨絕奇手扶天柱挽地維臣力竭矣

志靡移惟憑一劍報龍墀北望旣拜訣慈親自古忠孝

兩難歧頸血淋漓摧躄躅貞定遊魂更須時

移時
卽絕臨表

涕泣絕命詞至尊覽奏驚且悲不忍讀之長嗟咨卹典

優渥莫教遲背裂齒碎血濺衣殺身報國類如斯炯炯

丹心照江湄白雲黃鶴共追隨千秋萬歲孤忠垂

過漢川晤尹大令

彭而述

去年繫馬上湘日榴花爛漫開未畢麻陽大令沅沚來
跨下驂驪如鳥疾坐間咳唾洞庭起脚踏衡岳失翠律
今年解纜過漢陰江干芳草帶楊林冷冷金徽動新月
芒鞋布襪對華簪自笑五年浪遊客今朝得返穰西宅
故人贈我碧瑯玕振振簫鼓江天白蛙部填填漁火歇
青青之麥生陂澗後來避遘焉可知莫惜百壺江上別

咏鄒貞姑

戴錫綸

漢川水清泚泚貞姑生鄒其氏字方郎待成禮何來噩
夢驚凶耗果徵矣血淚滿襟城欲圯眼中更無一男子
髻髻甘作方家鬼貞姑入門夫不死夫不死舅姑失子

漢川縣志

卷三十一

藝文下七古

六

旋得子代夫以婦潔滌滄夫不死夫弟有子卽吾子兼
父以母擔怙恃皖江東去旅魂歸嶺海南行老人喜卅
載辛勤支身耳孝婦嚴父劬勞母補天奇節光彤史嗚
呼正氣乃企一女子貞姑名存夫不死

楊芬集

大水行

傅均

黑雲壓天雨翻盆三光不舒晝慘昏鶯鶯啼叫馮夷泣
北風吹浪浪如立農家夜半起吽號牽耶攜子向東臯
房櫳瞬息已洪波飄泊還問禾與苗夜久水勢勢轉橫
毒蒸怪霧夜不明縣官閉戶不敢出哭聲水聲相喧爭
憶昨春深力作時布穀朝朝屋頭飛曉星明滅飼牛去

夜月蒼涼荷鋤歸甯知秋熟反絕食嗟嗟天意實難測

過白口弔家楚川徵君

傅垣

策馬走龍霓問渡出白口地經古戰場人來憑弔久憶
昔徵君傳楚川武勇方畧兩兼全生丁明季遭喪亂隱
居躬耕白水邊流賊嘯聚肆劫殺日搜村庄勢猖獗四
野蕭條長蓬蒿到處溝壑填白骨傅氏聚義保一方賊
屯白口百千強楚川匹馬奮勇入酣戰白日無輝光斬
擒七日渠魁死羣賊奔潰溺白水朝廷屢召不肯官
依舊埋名老鄉里我來白口拜先塋父老爭談白口兵
尊前捧出斬賊刀模糊鏽血心魂驚至今水上多青燐

漢川縣志

卷五

藝文下七古

七

月黑天陰聞哭聲

荷花古碗歌

庚申夏西村農人耕溪上掘得陶器
數事余適過之見花瓶二墨匣一俱
殘缺不可用有荷花碗獨全形製渾樸古光油
然中實開元錢數枚知為唐代物也攜歸作歌
之紀

方陶

上世法物不可求空聞瓦黍兼桑舟我生恰有好古癖
山川到處窮羅菟西村農父耕隴上寶氣崛起騰田疇
長鏡掘地四五尺瓶匱纍纍藏深湫泥沙浸蝕半殘缺
惟有古碗形全畱豈是軒轅之代瑪瑙盃甯與有虞之
世雖敦牟區區微物何足貴呵護乃煩神鬼愁中有開

元赤仄錢三五錯落如星浮清泉洗濯滋華澤形製奇
古非凡倚考年知是唐代物韜光匿采經千秋我來一
見深愛惜携歸寶似千琳球佐以犧尊伴石鼎古色靜
對盈雙眸卻疑玉環贈素女綠波仙人入幕遊又疑佛
圖呿神咒古鉢幻出青蓮幽是時炎官正司令熱氣燠
灼無良謀供來齋閣倏清爽涼生四壁風颼颼摩挲再
三還太息使我懷古心悠悠蒼茫人代成今昔玉魚金
碗空山坵此物獨能長不朽劫火莫災良有由繫我年
來家屢空顏氏一瓢忘其憂或謂得此兆千鍾與塊之
意神靈優要知凡物各有主針芥雖微甯漫投碗乎碗

漢川縣志

卷三

藝文下 七古

六

乎從此脫離泥沙裏永爲席珍伴我長吟謳

白船歌

劉珊

青草湖水綠如油微風不動色涵秋漁人貪逸謝罾罟
徒手單乘一葉舟舟長如櫂狹且銳舫舩舩無其細
左支密網繚短垣右拖白板疊霜砌八尺長橈雙手持
一刀劃破碧琉璃蘆洲吹火夕陽落三三兩兩張罾罟
或爲鷺拳立汀渚或如雁陣排參差合圍時或縱橫弗
掉尾白龍交曳繻光明逼射鮫人宮睽閃潛鱗銀海眩
張皇鼓鬣躍舟輕頗似圖窮匕首見就中鱗鮓多所愚
四腮但少松江鱸退結鄰更臨淵羨餌名並乏直鈎沽

中流倘遇狂飈起倒使青天見船底翻然跨背儼騎牛
疾趁迴瀾行更駛

賑饑詞

劉珊

商賑饑土豪肥官米糶胥吏飽男婦迤邐各襁負侵晨
擁擠直至西垂死始得粥一簞踏斃老稚十二三吁嗟
饑民猶菜色驚聞已定催科則亦政堂集

襄陽陷

明季倫以錦衣將軍為襄府護衛城破戰死當時無表其事者作詩以補蜀碧之遺

李蟠

襄陽陷將軍戰秦賊楚賊如蜂煽督撫招安賊仍叛官
兵日少賊日多孤城危急可奈何

漢川縣志

卷三

藝文下 七古

充

襄陽陷將軍死白骨亂堆冠蓋里真假何從辨人已
求屍不得招魂而返千載孤忠恨未伸英魂夜夜飛青燐

沙山蛟

林祥紱

黑雲如山雨如注南山老蛟晝吐霧白日猝晦天無光
疾雷震山山將仆千尺石壁訇然開土石亂落那得住
天公一笑電下逐老龍驅雲如驅犢延緣來引龍子出
破空飛去亦何速我欲乘之叩帝闈跪傍香案陳尺牘
願為上帝牧羣龍欲行即行訪嶽瀆不羨青岩騎白鹿

林節母徐安人八十壽詩

陳堯松

青女五月飛霜寒海如晝泣滄溟乾鳳絃一絕天無語

女貞曲裡秋聲酸家近南州徐孺子壻是西湖林處士
鏡台相見不多時淚痕長是瀟湘水頭簪素奈拜亡夫
手屑黃連親課孤遺書在楹硯在匣一字一顆鮫人珠
聽罷書聲髮將白自典金釵欵佳客門前白馬范孝廉
座上綠衣杜補闕畫梁孤燕啼春風又訴窮途窮士窮
手指餘困續殘命麻姑擲米丹砂紅萬緒千愁人不見
腸迴九曲珠中線茫茫宇宙覓知心望夫山頭月一片
光陰過眼如流水縞袂青裙六十年白石作身身作石
煉成五色媧皇天天上遙傳丹詔版懷清台起簪纓滿
東風一曲鳳將雛簾外桐陰碧雲暖華堂夜半張銀燈

漢川縣志

卷三

藝文下

七古

三

雲璈敲罷青禽鷹持杯祝母八千歲杯中酒化瑤池水

饒烈婦歌

宋紹玘

妾有夫惟一德汝何人敢污妾妾生清門歸夫家世業
巧人矢儉勤荏苒三四載屢爲避賊東西奔夫逃妾居
守目極凶醜自恨不能持挺碎賊首俄焉一賊至入室
罄所有人畏賊如虎妾視賊如狗餌以金帛脅以刃大
罵逆賊不絕口賊曰從不從婦曰死便死伸頸就賊甘
如飴展轉激怒拔刀起庸詎知其身冰玉潔其志金石
堅轉借賊手全其天威豐時歲維五春二月日戊午鳴
呼血噴賊衣賊氣沮頭顱一擲香萬古寶華台孤雲峙

烈婦居河之渙夫家誰饒氏子母家誰龍門李節待旌
詩稱美繁何人村婦耳

踏車謠

王文壇

布穀飛飛桑柘晴穉稷隴底白雲橫水聲空湧車聲惡
中間不着踏歌聲翁鳴鉦婦擊鼓長腔曼調歌候候自
曉踏歌直到午單衣濕透汗如雨汗雨濕衣且莫惜秋
來懼有官租逼

近體

贈張漢川體仁

熊伯龍

人物三秦美郎官列宿蟠盛年爲宰易做邑得才難至

漢川縣志

卷三

藝文下 七古

三

喜春花發行憐雨雪寒繞城蟠冢水只作故鄉看

送沈友聖漢川哭友詩并序

吳偉業

漢川顧西巘侍御與雲間沈山人友聖爲布衣交使
吳深自折節友聖長揖就坐箕踞狂嘯無所不敢當
所居田坳蓬蔚衡門兩版侍御出郊往訪停車話舊
一郡皆驚西巘亡友聖徒步三千里哭之糧盡道寒
直前不顧余與友聖交厚侍御亦以友聖之故厚余
嘗三人虎印夜飲其鄭重之意形諸圖畫見於詩歌
漢川之行惜余不能從也爰作詩以寓其悲焉
士有一知己無須更不平世翻嫌鮑叔人竊罵侯生置

飲忘形踞停驂廢禮迎柴門車轍在感舊淚縱橫
得信俄狂走千山一哭中棄家芒屨雪爲位草亭風雨
水江聲合三生友道空祇畱黃鶴夢相見話詩翁
貧賤誰曾託相逢許此身論文青眼客漬酒白衣人
邱壠松楸冷江山薤露新一杯傾漢水不肯負春申
徒步愁糧盡傷心是各天雲埋大別樹雪暗小孤船死
友今朝見狂名到處傳范張千里約重補入晴川

贈漢川邑侯龔公應熊

熊伯龍

煙水連羣盜安危仗一城增陴躬負土屢戰不徵兵野
靜眠昏犬獄空走書鼯異時循吏傳特起甑山名

漢川縣志

卷三

藝文下 五律

三

漢川道中

曾希天

風光何淡蕩攬轡此經過鷗鷺白沙岸牛羊芳草坡雲
生春樹滿山占夕陽多麥氣因時雨青青接翠螺

漢上

陳炳

楚國江山古維舟望渺然山盤青入蜀江合白吞天樊
口上寒月漢陽生暝烟欲尋抱甕者小別夕陽邊

重過漢川秦似山

敦仁

樹樹山莊

孫牲

稚子喜見報前年詩客來到門相握手落日正平臺風
雨情何切形容老盡催挑燈談往事都付掌中杯

登萬魁臺閣

傅垣

莽莽襄流急登樓縱大觀閣原名大觀千秋同禹力一柱障

迴瀾水落晴川迴雲生夢澤寒直凌霄漢上牛斗看憑

闌

讀海樹新刻鑑湖遺草

李蟠

一卷餘生氣千秋見此心中郎無解女從事有知音豈

獨光泉壤猶能表藝林延陵吳季子挂劍義何深

山中雜興

李蟠

甌山古小別恰與漢川隣講學張民部當年跡未湮松

棚就野老蟹舍問漁人余亦耽高卧編菊在綠塵山名

山東前歲信鼠子亦跳梁陽穀壽張縣同時陷披猖城

漢川縣志卷三

藝文下 五律

三

中方阿祀微職受其戕今日始歸葬生芻且自將王倫陷陽

穀典史方光祀死之蒙恩褒葬蔭子

河江湖觀神珠吐光

郝師直

長湖三滢遠日暮浩無邊遠淑非依岸中流只接天平

分江派外闊憶禹功前一曲孤帆峭神珠漾月圓志古堂集

澗水晚眺

秦敦原

遙山青壁隱近水赤霞開岸隔垂楊斷村喧古渡回歸

雲催鳥入新月挂帆來從此趨江漢烟波共溯洄

漢川舟中

彭湘懷

客艇逼殘冬沿流下幾重灘平波渙漫雲薄雨從容澗

水鳴孤雁陽臺動晚鍾南山無恙在愧爾澗邊松

過張竹樵南湖草堂

陳孟青

雙槩荷花渡南湖水拍門白煙孤鷺影青草遠天痕犬
吠垂楊岸人過紅豆村草堂來幾度待月又開樽

秋夜宴櫺芳園

胡德燾

清輝涵玉宇逸興寄南樓况有羣賢集能無一醖酬鶴
眠松徑寂蟲咽豆棚幽雅會應題句平分此夜秋

漢川雜咏

秦篤輝

諸姬初列土名已漢川揚山色羊蹄古賢踪虎乳長子
孫周失序筆路楚開疆悵望蒹葭遠伊人水一方

漢川縣志

卷三

藝文下 五律

五

屈宋含騷怨孫劉角霸才長城人已逝小別陣猶猜雨
意魚吹出雲容雁帶來未干神女事莫問楚陽臺

資格明初破鄉官卜仲銘西河真種子南國舊儀型恤
政傳閭里嘉猷具戶庭瞻依欣婦孺慣識使君形

我懷周冢宰臺閣最凌兢湘北憐桑梓江南避罟矰魏
崔原死黨楊左有生朋曾挽狂瀾倒長歌咏采菱

邑中王總憲風繼尹都堂闖獻烽烟逼江淮保障忙歸
來新社稷死去舊冠裳剩有佳公子丹青姓字香

歷歷川橫樹蕭蕭沬采蓮地分江夏郡人種楚屯田恨
煞西來水旁衝北到天京山資保障恍惕總年年

民有重生慶塗泥漑碧灣加糧纔酌泐淤畝又潺湲潦
積憐鍋底烟炊愧甑山昔年在制憲曾爲淚痕斑

過甑山下訊顧翠農居不得

陳第聯

十里陂陀路四圍楓樹林吾生自蓬轉此日又秋深野
店開山塢人家傍水潄彥光宅何處漢上憶題襟

金秋晚學師以侍養歸武昌詩以奉餞

毛振鷺

不爲鱸魚膾長吟歸去來高堂垂白髮素志補南陔程
記經樊口衣將試老萊到家春正好庭下早梅開

過令尹子文祠

陳第聯

漢川縣志

卷三

藝文下 五律

三五

霜林凋木葉野水落寒陂客訪郢中舊人傳楚相祠鹿
裘瞻貌古虎乳詫神奇一字尼山定烝嘗永不遺

寄賀周明卿太宰加宮保蔭孫

鍾惺

稠疊看新寵殷情畀舊人欽哉三獨坐咨爾五朝生譬
雨方滋潤如星欲向晨豈惟優報稱抑亦望調均虎拜
承天語蟬聯作世臣文饒光蔭曾賈至續絲綸大禮難
謙讓孤懷倍苦辛時危兼主幼俯仰自逡巡

行至漢川作

李嘉祐

異縣非吾土連山盡綠篁平田出郭少盤壠入雲長萬
壑歸於漢千峯劃彼蒼猿聲亂楚峽人語滯巴鄉石上

攢椒樹藤間養蜜房雪餘春未暖嵐解晝初陽征馬疲
登陟歸帆愛渺茫坐欣沿溜下信宿見滄桑

白口阻風

唐白居易

洪濤白浪塞前津處處遑迴事事逃世上方爲失路客
江頭又作阻風人魚蝦遇雨腥盈鼻蟲蝻和烟癢滿身
老大光陰能幾日等閒白口坐經旬

周大司農明卿留飲賦以新詩見贈

譚元春

每羨吾鄉古道垂白門相見學威儀安危未肯忘桑梓
肥瘠非徒倚繭絲漢水流來間綠野鍾山秀處照龐眉

漢川縣志

卷三

藝文下

七律

三

水盤六月涼猶小拜誦清風吉甫詩

白門逢周明卿大司農

鍾惺

進履今逢北斗邊國稱元老里推賢人欣私願尊親合
天篤公家理數傳魚菽他鄉三黨會桑蓬夙昔四方緣
蒼松莫道風霜肅處處垂陰歲歲然

途次志喜二首

周嘉謨

披讀漢史羨疏公祖帳都門事頗同十五封章天聽轉
三千驛路主恩隆梅花鬪雪清香遠松幹凌霜勁節崇
歸去故園春色好時時回首未央宮
連章得請賦來歸丹陛陳情淚濕衣自信心長綠髮短

敢云昨是覺今非兼驅猛獸無長策閒伴浮鷗有息機
獨使至尊勞盱食難將寸草答春暉

時天啟元年辛酉因皇祖陵工事畢以原任工部尚
書効勞奉旨加太子少保蔭一子長孫入監又以先
帝襄耐禮成加太子太保頒給三代一品誥命至十
一月內因給事孫杰疏論例轉霍維華事連上三疏
乞休至十五疏奉旨俞允回籍候召以十二月初三
日辭朝大小九卿郊餞於順成門外二年壬戌正月
初十日抵家

重建黃鶴樓

魏 閔

漢川縣志

卷三

藝文下 七律

三

鶴樓重建鎮江東畫棟依然插碧空玉笛梅花新夜月
金沙芳草舊春風乘雲羽客名常在賣酒人家姓不同
此日登臨舒醉眼白雲吞入酒杯中

澄江閣初成

周嘉謨家有采真園澄江閣

顧如華

采真園繞漢江濱隔岸樓臺一水分隱几坐看移石月
舉杯頻吸傍花雲參差帆影中流見欸乃歌聲靜夜聞
雙鶴遠從天外落頓忘寄托在人羣

白雲古渡一舟橫落日蒼茫野水平南浦輕烟籠市近
中天皓月傍樓明披襟爽挹西山氣盈耳秋聽遠樹聲
剝啄無聞何所事焚香禮佛過餘生

贈周崑齋

同邑敬松先生小阮也

輓山不似江東雲恰引蒲觴再對君家宰當年寄玉樹
春官此日奏蝌文青萍已試隨風俠白髮從添帶野紛
八葉蟬聯無足異兒曹尙避老冠軍

寄冀渭公父母

江漢鳥飛卓魯家口碑徧得在天涯韻流姑射神相映
化靄陽臺惠有加驄馬蹄輕遙控勒鵝城地窟浪栽花
借君牢結年年願千里懷人感物華

舟發漢川

龍文玉

鼓枻中流興漫乘風帆六月少炎蒸桑麻兩岸多浮宅

漢川縣志

卷三

藝文下 七律

三

蝦蟳盈川足放罾竹樹籠烟屯水氣遠雲接地起山層
權歌不聽黃頭發客緒紛拏未可勝

漢川縣

喻文鏊

湏口蕭蕭接遠天滄波浩蕩迴含烟謬傳神女珠生佩
好載郎官月滿船紅蓼青蒲臨古岸亂鴉流水度華年
試尋戰壘悲囊瓦二別蒼蒼望渺然

紅蕉山館集

贈州司馬歐陽公澹秀

黃士簡

淪落文章吾道窮一官飄泊忽西東滇南士女情思結
楚北雲山寤寐通膏雨十年畱卧象征車萬里逐歸鴻
磬中他日重修志名宦首推第一公

學師歐陽公萊常歸里

胡之俊

湏水波搖別緒長布帆無恙趁春陽
難忘苜蓿青燈雨獨感蒹葭白露霜
問字五年如一日神交異地亦同堂
江干尺素通魚腹爲報平安字幾行

石牛

邑曾家山有石如牛形

吳蔚

嵯峨怪石倚雲顛放此桃林定幾年
苔蘚爲毛因雨長籐蘿入鼻任風牽
豈因饑食溪邊草肯爲春耕隴上田
笑煞牧童鞭不起笛聲空弄夕陽煙

漢川歸舟卽事

蕭企昭

買舟東下背江城天渺寒鴉陣陣鳴
遠樹淡烟空寂寞

漢川縣志

卷三

藝文下 七律

五

前船炊火半分明甌山雪影侵愁鬢
湏口風波阻客程兩岸流離鳩鵲歸
人遙望不勝情

春日登臺閣次瑩波上人

盧映福

危樓百尺倚雲端步履跚跚十二闌
郭外風箏能喚夢沙頭石碣肯廻瀾
芝山映座青螺小漢水橫窗白練寬
豁我襟懷忘日永一聲蛙鼓夕陽殘

題松軒書齋

程廷棟

南湖風月舊詩莊曾記當年醉舉觴
談塵頻揮背漏短韻箋初就鉢聲忙
躡躡世路雲千里覩縷情懷月半牀
莫怪相逢驚老大瑤階玉樹已成行

送靈寶令林明府穆堂歸里

王 逵

不晤荊州魏壯遊登龍真個勝封侯風流自昔推羊祜
天下於今識馬周其一石才分八斗未三年仕已千秋
威名惟有公能副豈落人間第二流

心居不惠不夷間百里分符事事艱策可濟時爭放膽
案無畱牘始怡顏剛攜琴鶴期磨盾陡為尊鱸欲買山
早乞此身詎非福勲名無礙半身閒

漢川畱別

周鶴立

采芝山載石崔巍詭託高唐亦謬哉

山在西關外舊志稿陽臺山俱沿俗

喜得天鍾三秀草惜無人葺萬魁臺

臺在東關外明崇禎時邑令鄭

漢川縣志 卷三

藝文下 七律

三

公建以興文風者 簫聲入破雲能遏劍氣橫空電亦開看取紫

陽門下士幾時騰躍起風雷

下車時卽軫民艱自顧微軀力太孱媯氏有心思鍊石

愚公無術可移山兩情誰解蚩憐歷一角相持觸鬪蠻

不是明公如禹稷憑何稍釋此恫瘝

題清風處士魏閔先生故里碑

傅 垣

開國文章盛楚荆何知草野有先生甘隨牧豎為徒侶
從此烟波老姓名人羨一窩存夜氣自希五柳見深情
百年桑梓豐碑在披拂高風夢亦清

紀潦

劉 珊

沮洳原傍漢江隈頻見滔滔過潁來擺榷浮沉依荇藻
波濤日夜走風雷百年小值滄桑變九載直同降割災
未到重陽秋色老攜家兩度已登臺

四顧蒼茫失翠微更無人與弔斜暉荻蘆帶濕難爲爨
菱芡和羹不療饑隘巷苔深魚盡上新巢萍滿燕思歸
扁舟直放湖天外蓑笠何從覓釣磯

最苦三農望眼賒頻年河伯共生涯羞攜幼婦依浮宅
忍遣嬌娃入聘家負販只增貧賈息轉移空抱昔賢嗟
可堪年少逢多難愁對西風鬢欲華

吟域俄看入杳冥浮生到處一艤舫室家相對情皆薄

漢川縣志

卷三

藝文下 七律

三

休戚無關券不靈幾樹蟬聲催夢斷滿湖魚氣逼人腥
共憐身世同泡影驀向秋空涕自零

白帝秋高夜氣嚴風霜早已遍窮檐縱橫野市攤農具
羞澀朱門鬻嫁奩病苦幾家調藥餌時荒累月斷齏鹽
誰能康濟蘇窮困廣廈長裘一例兼

鳩形鵠面悔餘生到處哀音祝癸庚兩度潰防仍不制
三時播種總無成遇艱怕見催租吏歲儉難爲守法氓
惟有竟陵賢令尹關心民瘼自吞聲

甌山懷古

秦篤輝

內方小別望縱橫弔古蒼茫百感生四境秋風鄖子國

三篙野水郝公城迹餘樵徑峯峯遠波盪漁船個個輕
安石墩傳差比似還憑介肅著芳名

劉石亭少府考滿從戎詩以贈之 姚鍾秀

行經碑下淚沾裳碑額高參射鳴堂幾見一官同散木

能令百姓愛甘棠神倉發粟原無弊河伯迴瀾不敢狂

此去循聲書上考盛時未許老馮唐 散賑修隄俱有功故三聯云云

令尹子文墓 陳道

紆亂荆邦萬古豪姚公山頂墓碑高天教虎乳開蚡冒

鬼泣豺聲餒若敖勸善何功十世宥稱忠曾荷一言褒

精英化作靈芝草長剩香風滿漢臯 墓在芝山側

漢川縣志 卷三 藝文下 五絕 三

仙女山 黃鞏

宋玉陽臺賦分明假亂真如何千載下說夢與癡人

四壩湖 呂庭栩

四望皆秋水伊人何處住尋到長隄邊有屋藏深樹

青草湖 劉珊

不買沃洲山開門對遙矚年年春草生替染湖光綠

時將入吳懷別采芝山 鄒山

平湖轟出秀無如傳說飛來信也虛為語山靈知惜別

還能隨我到彭廬

聞麥枯鳥鳴 尹良任

無麥何須喚麥枯
磬待哺幾時蘇
春風傳語枝頭鳥
好向天門勸賜租

顧西嚳待御與華亭沈麟為布衣交使吳時麟長
揖就坐西嚳亦出郊話舊後西嚳卒麟經紀其
喪徒步三千里送歸數瀕飢寒高誼可風

李庚清 名

結客長安似子稀
填門車馬競來依
鐘鳴漏盡輪蹄散
生死江南一布衣

汝川八景

沈竹坪

陽臺一夢太癡迷
漫向花宮細品題
天際雲歸山雨歇

漢川縣志

卷三

藝文下 七絕

三

鐘聲敲得夕陽低 陽臺晚鐘

布帆無恙下湖湘
一路秋風送晚涼
試啟蓬窗望滙水
波紋清共楚天長 滙水秋波

誰種梅花遍一城
至今不復問枯榮
遊人忘卻歸來晚
怪見山頭返照明 梅城返照

赤壁橫江戰壘雄
漢南遺跡又雷同
天明日出塵如洗
添得霞光一段紅 赤壁朝霞

萬頃松湖一片明
蘆花多處晚風清
扁舟過去微波起
聽取漁歌斷續聲 松湖晚唱

村落人家樹裏藏
宵來誰聽漏聲長
雞鳴又是天將曉

驚醒團圞夢一場雞鳴天曉

危峯倒影枕襄流小別遙連大別頭風日晴和行處好

嵐光冉冉豁吟眸小別晴嵐

水繞南河不繼流每來覽勝得勾留長天一片空明月

夜夜常臨古渡頭南河古渡

壺關致仕返漢川故里扳留者眾詩以謝之

秦之柄

緣愛生悲臨別日攀轅卧轍自紛囂於今循省十年事
竟有何恩及汝曹

漢川道中

陶澍

漢川縣志卷三藝文下 七絕

孟

往來如梭見畫船平沙三月草連天晚風吹散隄邊雨
萬綠叢中出漢川

漢川竹枝詞

傅垣

采芝山上曉雲低山下春城畫與齊更愛淞湖湖畔柳

青青抱郭門西山近俯城郭為遊人縱目之地

生男虎穀古希奇更得忠褒萬世師始信莫教真不餒

千秋人拜子文碑令尹子文墓在邑采芝山下舊有碑邑侯柳陽伍公澤概勒石重建遊山

者必瞻仰焉

信是觀音喜結緣澄清隱示靜中天妙將楊柳枝頭水

化作名山第一泉邑南四十里山中有泉曰觀音制軍李公陸祖烹泉亟賞之類以車載者

會謂在惠
泉上云

頭花揀罷尾花開
軋軋機聲五夜催
昨織西庄纔入市

今朝糧吏叩門來
邑工紡織養生納賦多賴

秋風綻菊膾鱸肥
檢點琴書整客衣
罷學先生歸去也

半肩行李送斜暉
俗教書以九月解館訂來

香凝白定碧於藍
膾佐鮮鱗客易酣
嘗取晴川陳竹葉

更無佳釀說江南
邑釀竹葉青色香味俱佳品者謂在南酒之上

六成船戶半船居
陸地無家稅可除
似較王尼車更好

江湖到處是吾廬
邑與販糧食船俗名六成多攜眷船居取六穀成熟之義

荻蘆籐蔓共青莎
濕爨烟薰可奈何
昨伐門前楊柳樹

漢川縣志 卷三 藝文下 七絕 三

間階添得月明多
邑多楊柳冬間常取作薪

農歌
長夏無事課農東臬日與田父野老相周旋因得悉其三時諺語而採輯其語效竹枝詞體作詩四章命曰農歌亦記風土之意云爾

方陶

布穀聲中秧馬馳
高原下隰總相宜
其云今歲秋成好

三月檀花開滿枝
俗以檀樹花開早遲占歲豐凶三月花放主大稔

靈旗處處護青秧
爭賽苗神進酒漿
簫鼓喧闐齊拜禱

願無蝨賊願無妨
俗於四月朔醮錢令巫者迎神號曰青苗會

瞳矓曉日映窗紅
夏至家家笑語同
但禁西風吹颶母

不愁霖雨上鰈公
諺云夏至起西風屋簷上鰈公農人但以夏至風色卜歲旱潦

子規啼罷蟬聲揚
稻葉青青稻子黃
小暑節過三八近

朝朝風色望南陽語云小暑無雨十八日風呼小暑南風為南陽風又五月有頭八二八三

過松湖

向志琳

浪跡年來等泊蘋玻璃世界此重經水天不許纖塵染
只受芝山一點青

漢川縣志

卷三

藝文下 七絕

三